



Puntland State of Somalia
Garowe

Ciidamada Puntland oo soo Furtay Dad Afduub loogu Haystay Markabka MV Iceberg 1

WAR SAXAAFADEED

23 December 2012

Ciidamada Dowladda Puntland oo muddo labo-isbuuc ah ku hareeraysanaa markabka MV Iceberg 1 oo burcad-badeed Soomaaliyeed ay madaxfurasho ugu haysteen xeebaha Puntland muddo ku dhow 3-sano ayaa maanta dadkii afduubka loogu haystay laga soo furtay iyadoo bad-qaba.

Ciidanka Badda Puntland ayaa Dec. 10 waxay isku hareerayeen markabka MV Iceberg 1 iyadoo labo-isbuuc iyo dagaalo ka dib dadkii maanta [Dec 23] laga soo furtay burcad badeedkii.

22-qof ayaa waxaa ka muuqata jirdil iyo cunno yari, iyadoo dadkii ay iminka ku jiraan gacanta Ciidamada Dowladda Puntland waxaana loo fidinayaa daryeel isugu jira cunno iyo daawooyin.

Dhanka kale, 8-askari oo ka tirsanaa Ciidamada Dowladda Puntland oo dhowaan afduubtay markab laga leeyahay dalka North Korea oo ay waardiye ka hayeen [MV Daesan] ayaa Maxkamada Ciidamada Qalabka Sida ee Puntland amartay in la xiro sharcigana la mariyo. Markabkaasi waxay askartu afduubeen Dec. 18, iyadoo Dowladda Puntland dadaal ay gashay ka dib markabkii dib loogu soo celiyay Dekedda Boosaaso Dec. 19.

Afduubka markabka MV Daesan waxaa ka dambeeyey gacmo siyaasadeed iyo burcad badeed iskaashaday iyadoo looga danlahaan in lagu carqaladeeyo howlgalkii lagu soo furan lahaa markabka MV Iceberg 1 oo maanta la soo afjaray.

--- DHAMMAAD ---